

越  
溪  
詩  
鈔

七 三 一 九 頁  
六 三 六 九

一 三 九 四 行

着 瓏 辯 且 正

著 隴 辨 且 誤

正  
誤  
表

越  
溪  
詩  
鈔

越溪詩鈔目次

征露紀念韻集

勅題新年山恭賦

甲辰新年述懷

聞宣戰詔勅不堪感喜恭賦

送兒光從軍

東鄉將軍

鳩將軍

弔田中軍曹戰死


題旅順口封鎖決死隊圖

聞南山戰捷喜而有作

弔馬提督戰歿

亞將軍

弔沖禎介



一  
一  
一  
一  
二  
二  
二  
二  
二  
二  
三  
三  
三  
三  
三  
三  
三  
四

甲辰仲秋賦寄兒光在軍中.....四

弔畑砲兵中尉.....四

寄戰傷勇士.....四

聞怨.....五

得旅順口陷落報賦此.....五

題兩將會見圖.....五

須將軍.....五

新年雪次韻.....五

聞奉天占領有感.....六

兒光從軍以來戰九連城.....七

露國末路.....八

明治萬歲集.....八

一勅題新年河.....八

日本海戰.....八

東鄉大將.....九

黑木大將	九
乃木大將	九
代兵士謝華族女學校生徒見贈慰問囊	〇
日露交戰紀念林詩	〇
次韻東湖翁瓢兮詩	一
日露交戰紀念林碑	一
烏媯和大使	二
大元帥陛下御親閱有觀艦式	二
大山元帥	三
歡迎凱旋軍干門司得一絕	三
奧大將	三
小川大將	四
戰後偶感	四
招魂祭恭賦以爲奠	四
凱旋陸軍大觀兵式恭賦記盛事用觀艦式詩韻	五

筒井省吾君開戰捷紀念公園

一六

題明治萬歲集後

一六

唱和集

一七

所感

一七

呈甫水博士

一八

四聖合讚、次韻

一八

題自像、次韻

一八

西遊途上吟

一九

次韻却呈

一九

哲學館大學退隱、次韻

一九

拙作一首贈秋滿君以謝其功勞、次韻

二〇

與秋滿兄共發豐津至伊良原途上之作、次韻

二〇

過耶馬溪

二〇

次韻

二一

望阿蘇山、次韻

二一

球磨川上作	一一一
次韻	一一二
三角港觀月、次韻	一一二
菊地社頭所感、次韻	一一二
高瀬川上作、次韻	一一三
日奈久溫泉鳩山即事、次韻	一一三
代謝章	一一三
次韻	一一四
謁菅公廟所感、次韻	一一四
謝福岡縣辱知諸君、次韻	一一五
賦此表謝意	一一五
甫水博士被惠贈南船北馬集	一一六
呈甫水博士	一一六
庚戌夏日贈甫水博士	一一六
被惠贈自家格言集因題其卷首	一一七



聞甫水博士北堂之裘賦呈	二七
宿直方町清水樓旅館	二七
甫水博士被惠南船北馬集第四編	二八
祝日韓合邦、次韻	二八
南米客中憶閣龍	二八
次韻	二九
甫水博士巡遊南洋諸島及南米歸賦呈	二九
周遊南半球歸來有作、次韻	二九
又	三〇
讀南半球五萬哩賦呈	三〇
甫水博士見惠明治徒然草賦謝	三〇
又	三〇
南球五萬哩卷首詩	三〇
次韻	三一
甫水博士見惠未知句齋集賦此拜謝	三一

朝鮮漫游雜吟集……………三一

入日本海……………三一

釜山訪入江靜軒席上賦示……………三一

清津上陸贈入江靜軒……………三一

入江靜軒贈美酒慰余船中旅情賦此代謝章……………三一

望朝鮮諸山偶成……………三一

羅南途上……………三一

有加藤清正韓二王子之遺跡……………三一

示鮮人某……………三一

鏡城……………三三

贈李聖悅……………三三

遊中村正雄果樹園……………三四

清津港……………三四

元山港……………三四

釜山港……………三四

京城遊南山漢陽二公園	三五
觀景福宮慶會樓	三五
訪藤原度支部理財課長賦贈	三五
訪大塚春谷賦贈	三五
訪安河內京城校洞普通學校長賦贈	三六
航海中觀臺北丸船員演藝餘興贈劔舞者某	三六
雜吟集	三七
明治大帝銀婚式賀詩	三七
旅順陷落	三七
謹弔從一位大勳位伊藤公薨去	三七
奉呈末松子爵閣下乞正	三八
奉送西園寺公爵閣下浴南豐溫泉	三八
奉呈西園寺公爵閣下	三八
呈南極探檢隊一行諸君	三八
呈守田夔洲翁次佛山先生贈翁詩韻	三八

訪内野東庵翁席上賦呈	三
彦山	三九
望英彦山賦呈高千穂男爵閣下	三九
彦山曉起即事	三九
乃木將軍	三九
呈邨野山人翁	三九
勅題照寒月梅花	四〇
勅題社頭杉恭賦賀新年	四〇
送川端郡長轉任浮羽郡	四〇
送神昌勝君之滿洲	四〇
祝筒井君孝子會開設	四〇
題處女會廳	四一
次瓜生上人見寄詩韻	四一
時事有感	四一
祝青島陷落	四一

小笠原先侯三百年祭拜盛典恭賦	四二
呈如雲高橋先生	四二
訪望彥亭如雲翁賦呈	四二
望彥亭觀菊賦呈主人	四二
望彥亭試筆	四三
時事有感次如雲先生詩韻	四三
菊	四三
觀臥龍瀑	四三
秋日登高	四三
無題	四三
輓白梅吟社社友廣瀨君	四四
拜觀紫宸殿	四四
拜乃木將軍墓	四四
觀乃木將軍故宅	四四
列行橋校乃木會卽吟	四四

贈長孫古戰場顯彰會	四四
大元帥陛下臨幸干九州大演習地恭賦長篇	四五
佛山先生御贈位記念祭謹奠	四七
安川翁礦山事業之餘美舉不堪欽慕恭呈	四八

附 錄

拜宣戰詔勅	五三
祝戰勝	五四
明治萬歲集序文	五七
列孝子旌表式	六〇
行事校觀櫻記	六一
秋滿有常名刺	六二
秋滿有常略年譜	六四
日露戰役記念學林經營に對し寄せられし詩歌	六九
跋	七二
發刊に際して	七三


前陸軍大臣  
杉山元閣下題字

勤  
華

千  
載  
芳

杉山元閣

宮内省御用掛 吉田 增藏閣下題詩



東奔西走老風塵  
於郡於州欲濟民  
擬以達成與教學  
意將材強見  
經綸人心去  
逐褻川溥  
括邑進進  
考否新十年計  
與後身計併  
擗百  
年立一身  
吉田增藏閣下書





于爵末松謙澄閣下書

為志者存極處母也心之靈波且原  
逝矣夜自多心亦亦不夫後此猶臨  
古岸道力云

文學博士 井上圓了先生書

守之報國志在汝戰後徑量頭集林  
今日如生亦須一醉滿山梅香伴酒吟  
拙筆之贈松尚不足以謝其功勞因以此

吉嗣拜山先生書

夙企山林業將之財之基以補國家利以抵  
 膏英資經營尚戰以爲勳日最得宜盡心又  
 竭力逐年業益滋水送好摸以乾嘉華  
 千載毛

秋滿先生多幸書力於方英事業史印後顯者女家賜書此以贈  
 丁亥仲秋日 吉嗣拜山

柏木眞靜氏畫學林眞景之圖





## 日露戰役記念學林碑誌

明治三十七八年我國與露國戰大破之武威耀于四表本郡町村學校組合  
遠慮戰後國勢買伊良原村字柳迫字原四十三町壹反貳拾壹步栽杉檜拾  
壹萬餘樹永以爲紀念且欲供國土保安教育基本財產也事成官嘉賞其功  
賜金參百圓焉余受郡長指揮專任其事故不自揣撰碑文銘曰

日露構兵 萬里遠征 連捷功成 武耀八紘

戰後經營 栽樹繁榮 利用厚生 永資育英

明治四十年七月

秋 滿 有 常 撰

越溪 秋滿有常書

歐河大哉亂如絲  
世界平知何，於  
美古今既我神  
必君民一抱獲  
皇基

時事有感

秋滿有常

題秋滿越溪翁詩鈔

天村廣木嘉德

青山一榻避紛譁  
彩鳳文章額天苑  
門栽五柳追賢蹟  
來弔哲人何所薦

琴鶴相隨意可嘉  
爛紅意氣照邦家  
編絕三韋尋聖涯  
靈香拂水有蓮華

# 越溪詩鈔

征露紀念韻集 明治三十八年

## 勅題新年山恭賦

有山曰富士 屹然聳神州 神州富善士 山名之所由 臣民克忠孝 武勇真無儔  
鄂羅強且大 暴威振北陬 已侮清韓弱 土地頻誅求 鐵路與軍港 經營爲遠謀  
我皇要修好 頑迷彼不酬 煥發宣戰詔 六師盡貔貅 仁川又旅順 挺擊沈敵舟  
九連又遼陽 奮鬪多捕囚 海陸並猛進 連捷依 皇猷 飲馬貝湖水 翻旗烏峰頭  
不作城下盟 交戰何可休 凱旋必有期 東洋殺氣收 聖德益巍巍 文武輝五洲  
富士仰彌高 獨立護金甌 不騫又不崩 靈淑秀萬秋

甲辰新年述懷

干時日露交涉事件已經  
半歲而和戰未決慨然有作

暮夕暗雲春未春 唯聞國論憤憂頻 諸公何事無英斷 不拂妖氣安國民  
四千萬衆一忠誠 義勇奉公何惜生 願作邦家百年策 勿將姑息污威名

聞宣戰詔勅不堪感喜恭賦

天福皇軍有待時 還遼暫忍是男兒 如今不許窺東亞 一伐露戎成霸基

送兒光從軍

告汝從軍任不輕 此行誓効奉公誠 曝屍海外男兒分 須殄醜夷期七生

東鄉將軍

將軍忠烈姓名芳 兒女亦知平八郎 從昔薩南多俊傑 西鄉去後有東鄉

鳩將軍 聞定州占領所作也

露將鳩公威名新 百萬兵馬隨其身 辭闕來時期必勝 此行九月建偉勳 鳩公出師

曰告人曰我破  
日軍必在九月 可憐一戰已不利 定州先敗勢遂巡 君不見神州別有神鳩在

萬里雄飛護皇軍 指箱崎神鳩 皇軍所嚮如摧朽 將士忠勇世界聞 遼陽



奉天在指顧 直向滿洲拂賊氛 秦凱何必待九月 連戰連捷報 至尊 嗚呼鳩  
公人也人而不如鳥 面縛應降我軍門

弔田中軍曹戰死

韓遼重聽鼓鞞聲 義勇奉公從遠征 一拂妖氛吾事足 春風埋骨九連城

題旅順口封鎖決死隊圖

狂濤如墨夜連空 決死欲成封鎖功 眞箇神州快男子 武名轟得五洲中

聞南山戰捷喜而有作

露國從來逞暴橫 吾 皇主意在和平 南山戰捷南山壽 爲唱王師萬歲聲

弔馬提督戰歿

我武維揚輝八荒 峨軍雖銳奈難防 可憐一死酬君國 不做當年丁汝昌

亞 將 軍

威權赫灼獨推公 夙受殊恩鎮極東 一自天兵過海後 將軍失意泣秋風

冲庄藏翁欲慰其令嗣禎介殉國之英魂遍請

江湖詞客募詩歌繪畫余亦與焉賦此塞責云

冲君名禎介 西肥平戶人 夙抱慷慨志 智勇真絕倫 東洋平和策 清韓期和親

北京設饗舍 育英語諄々 時交衙門士 說國政一新 日清同利害 宛如齒與唇

忽聞露國暴 對我無禮頻 古來窺東亞 益欲宿志伸 我皇赫爰怒 宣戰士氣振

君亦蹶然起 深入哈爾賓 潛匿探敵情 要利我皇軍 遺憾事未遂 爲露兵所噴

不幸被銃殺 慘愴失斯身 烈士哉烈士 不讓攻伐勳 嗚呼君雖死 凜乎存精神

英名長赫々 壯烈照萬春

甲辰仲秋賦寄兒光在軍中

鴻雁高飛天地清 遙知霜月滿軍營 千秋一覽遼東景 勿道家鄉憶遠征

弔 烟 砲 兵 中 尉 余與中尉有舊出征 中不幸罹病而死

懸軍萬里赴遐陬 欲立功勳志未酬 雪虐風酸無限恨 英魂歸葬故山秋

寄 戰 傷 勇 士

刀瘢帶血志愈堅 幾冒彈丸先着鞭 料識諸君忠勇夢 宵夕飛在戰場邊

閨怨

如何時事與心違 夫婿北征猶未歸 長夜深閨夢難就 一痕殘月照寒帷

得旅順口陷落報賦此

旗鼓堂々輝武名 春王正月取堅城 出師畢竟由仁義 不怪士民簞食迎

題兩將會見圖

兩雄會見水師營 昨日仇讎今弟兄 握手俱談攻守跡 滿城無處不歡聲

須將軍 二首

萬兵爲捕異鄉間 主將何心向故山 降伏事成非面縛 金裝燦爛帶刀還  
埋骨會期旅順山 孤軍健鬪半年間 憐君心事無窮感 今日開城宣誓還

將軍會謂人曰旅順吾埋骨墳墓之地也

日露交戰露國橫暴之所致也征清之役我已占領遼東然彼與獨佛忒  
爲還遼之議此亦爲一戰因也余曾次韻麻生雲煙御題新年雪詩頃聞

征露滿洲軍雪中連戰連捷之報亦不堪今昔之感記舊作以供追憶云  
 憶昨征清遼東雪 馬蹄蹂躪白玉屑 義軍所嚮無匹敵 簞食迎來百姓悅 雪中  
 用兵非易事 含雪將軍眞英傑 山縣公爲第一軍總督 積雪十丈道難分 猶若坦途  
 著高履 雪兮雪兮眞雪哉 文武人愛皚々堆 當年映雪讀聖書 今日冒雪攻砲  
 臺 雪砲臺兮發火花 雪火閃爍壯觀開 君不見佛國奈翁第一世 絕代勇武拔  
 山力 席卷歐洲氣吐虹 忽凍魯都瀆武德 嗚呼日軍佛軍勝敗因雪判 旭旗干  
 秋輝異域

聞奉天占領有感

清帝宗廟奉天城 城在滿洲最繁榮 憶昔愛親覺羅氏 威加海內有雄名 遺靈  
 憾不及子孫 屢受外侮國勢傾 北方有國曰鄂羅 併吞比隣好鬪爭 饕餮無饜  
 窺東亞 來入滿洲久屯兵 東清鎮路旅順港 侵略十年力經營 自恃强大不修  
 德 蔑視公法日專橫 戎狄是膺荆舒懲 我 皇赫怒爰北征 纒幢貔貅海陸軍  
 軍旅堂々又正々 忽破九連取鳳凰 一戰早已博讚評 得利寺戰我得利 大石

橋又一舉平 席卷遼陽臨沙河 將士猛進真忠誠 旅順陷落艦隊滅 遼東蕩平  
妖氛晴 堪笑露將黑鳩公 連敗退却百里程 猶收殘兵築防壘 欲據奉天試抗  
衡 電奏頻請增援隊 輸送綿々轆轤聲 援軍新來我何畏 多々益辨諸將英  
八旬相持相不戰 日本刀日本刀鳴 帷幄運籌機漸熟 萬雷一時兩軍轟 皇軍  
突擊震天地 攄奇呈變鬼神驚 殺傷十萬虜四萬 露軍崩去何處行 屍山血河  
風雪腥 追尾急擊馬蹄輕 誰知大敗報露都 何可不爲城下盟 請看奉天免灰  
燼 畢竟此依皇軍精 奔竄土民安其堵 簞食壺漿共歡迎 日清利害如唇齒  
况又二千年好情 亂後更盟日清韓 相和相親如弟兄 修文講武施仁政 發揮  
東洋新文明 而後對峙全世界 天下何事無不成 烏嗟乎清祖地下欣然應揚眉  
春滿奉天瑞靄清

兒光從軍以來戰九連城入鳳凰城轉戰旅順北進奉天占領後將向○  
○而歷屬第一第二第三第四軍云賦此記喜

捷書夙報九連城 轉戰重開旅順平 北進奉天傳占領 奮然又向○○兵

露 國 末 路

八

人衆勝天唯一時 彼違信義又何爲 可憐上帝無加護 師敗民窮社稷危

明治萬歲集 明治四十年

勅 題 新 年 河

鵬綠松花水吞天 大國恃險德不全 山河從來非國寶 護國固在國民賢 漫張  
暴威事侵略 跋扈東洋數十年 驕者不久自昔爾 南下雄圖何忽焉 戰敗更起  
蕭牆禍 社稷岌々或將顛 君不見日出國在大海東 五千萬象赤心同 其山其  
水多秀色 克忠克孝爲國風 遠征功成奏凱歌 武威宣揚前古空 聖世恩波眞  
浩蕩 德澤普及清韓中 嗚呼東瀛之水終古流不盡 皇統綿々永無窮

日 本 海 戰

萬里波濤駕長風 大舉堂々勢壯哉 何辭艱難爲祖國 險路航進見其才 海陸  
開戰無一勝 此行誓似期挽回 列國觀望說紛紛 日露海戰孰占魁 君不見當

年元主忽必烈 絕世勇武眞英傑 版圖廣大跨歐亞 向我神州爲侮蔑 陽託修  
交陰侵略 相模太郎克拒絕 果見大軍忽來襲 海面水碧變紅血 幾千艘艦十  
萬兵 日本海底爲藻屑 神州國運益隆昌 笑渠西洋輕東洋 露國從來最橫暴  
吞嚙四隣猛威張 向我一旦開戰端 陸軍連敗走且僵 旅順艦隊又全滅 皇師  
銳鋒不可當 波艦新來好敵手 神籌鬼策有東鄉 哨艦一報敵艦見 將士勇躍  
氣揚々 皇國興廢在此戰 一語命令徹心腸 東鄉提督爲信號曰、皇國之興廢  
在此一戰、各員一層爲奮勵努力 奮然邀  
擊日本海 砲聲如雷閃電光 三十八隻逃無所 溺者降者多死傷 未曾有此大  
海戰 戰捷赫灼武功彰 嗚呼今古勅敵滅亡汝知否 日本王國是海王

東 鄉 大 將

幾制機先士氣振 擊沈露艦大勳頻 涅留遜去百年後 更見東洋活海神

黑 木 大 將

萬里遠征先着鞭 砲煙彈雨幾山川 馬蹄蹂躪滿洲野 第一軍功第一傳

乃 木 大 將

二子殉難俱盡忠 放還敵將亦仁風 英雄大度量如海 義烈古今無若公

代兵士謝華族女學校生徒見贈慰問囊

贈我慇懃慰問囊 誰家令孃有餘香 寒宵露宿橫戈臥 夢繞美人天一方

日露交戰紀念林詩

我京都郡町村學校組合。有學資基金。明治三十七年以來。買帆柱伊良原山數千頃。栽檜杉。名曰日露交戰紀念林。余專任其事。漸竣工。組合會爲余慰勞見贈銀杯。帆柱者最良森林地也。相傳古昔

神功皇后當征韓之時。徵鑑材于此地。故曰帆柱。賦之供異日之追憶云。

英彥山東有源泉 流入周洋曰禊川 沿岸有村曰帆柱 森林鬱蒼古來傳 憶昔  
神功征三韓 徵材此地造軍船 神功英武眞絕倫 三韓懾服戰功全 爾來向背  
久無常 何人猛進先著鞭 豐公豪傑氣蓋世 再見出師征韓鮮 席卷八道有餘  
勇 長驅將指明國邊 神功壯舉屬往事 豐公雄略又忽焉 可憐韓國難獨立  
露清橫暴來垂涎 明治聖皇允文武 扶小救弱仁如天 曾膺滿清今懲露 王者  
之師敵無前 少壯干役事戎軒 父老村居耕野田 內外共期奉公誠 舉國一致志



愈堅 所以戰捷奏偉勳 忽握韓國統監權 戰後經營有遠謀 農工商業駭駭然  
我郡町村相聯合 學資節用得貯錢 一朝拋之作林業 杉檜樹栽事漸完 題曰  
征露紀念林 石標高建伊山巔 帆柱之地最肥沃 培養唯要三十年 巨材產出  
無他比 收益當得巨萬圓 嗚呼他年用之戰鬪艦材非所願 永期平和育英賢

余爲造林經營。健步無所不至。獨携孤瓢。登高山。坐樹下。陶然一醉。自愆其勞。  
恒吟東湖翁瓢兮詩。遂次其韻。得一篇。爲瓢銘。以供一笑。

瓢兮瓢兮我愛汝 汝夙熟知秋子賢 幼時早已學儒教 螢窓雪案幾多年 滿腔  
熱誠思報國 事業自誓後世傳 瓢兮瓢兮我愛汝 汝吐靈液作我憐 一盃一盃  
又一盃 愉快頻酌百且千 豪氣睥睨五大洲 叱咤忽握酒國權 瓢兮瓢兮我愛  
汝 我生遭遇世變遷 欲將儒教益世道 何料洋學興勃焉 輾轉落魄今如此  
枉使乃公呼酒仙 瓢兮瓢兮我愛汝 我五十而初知天 南山萬頃唯栽杉 永培  
大樹期不顛 携汝時時來登高 陶然一醉樹下眠 樹也不言我不語 世上榮辱  
何處邊

日露交戰紀念林碑

明治三十七八年 我國與露國戰 大敗之 武威耀千四表 本郡町村學校組合  
戰時中 遠慮後事 買伊良原村字柳迫字原山四拾參町 栽杉檜拾貳萬餘樹  
永以爲記念 且欲供國土保安教育基本財產也 余專任其事 故不自揣 撰碑  
文 銘曰

日露構兵 萬里遠征 連捷功成 武耀八紘 戰後經營 栽樹繁榮 利用厚生  
永資育英

烏 媯 和 大 使

十歲經營據極東 出師百萬奈無功 却看銳利烏公舌 不似露軍連敗風

今茲明治三十八年乙巳秋 征露皇軍連戰連捷之餘 媯和成 我艦隊  
凱旋 以十月二十二日 東鄉提督 伏闕下奏戰功 越二十三日

大元帥陛下親閱有觀艦式 英國艦隊亦來會 東京灣壯觀真曠古之盛  
事也云 喜而有作

維時明治乙巳秋 顥氣颯爽滿神州 征露艦隊悉凱旋 偉勳赫赫宿志酬 曠古  
盛典觀艦式 艤艫大會東海頭 舳舻相摩行不亂 錦旗閃影波上浮 操縱運轉  
眞巧妙 海戰連捷有所由 艦長艇長皆英傑 東鄉大將是其尤 各艦森嚴威風  
凜 禮砲如雷氣勢道 諸將肅然感天恩 拜來詔勅渥且優 有客有客列者誰  
英國艦隊亦來遊 日英兩帝允文武 攻守同盟張 皇猷 濟濟多士世所推 和魂  
英才與難儔 前涅留遜後東鄉 如斯兩雄更有不 嗚呼滿腔熱誠唱出萬萬歲  
日英海軍輝五洲

大 山 元 帥

將略度量如大山 威名藉藉五洲間 監軍丕績輝千古 優詔賜來嘉凱還  
歡迎凱旋軍于門司得一絕

戰捷國威振八紘 凱旋無處不歡迎 春風日日關門峽 海陸嵩呼萬歲聲

與 大 將

大將我豐前之士也。明治十年之役。薩帥悉銳圍熊本城。城在旦夕。大將率兵自八代

衝薩帥背。薩帥退。遂戰歿城山。今又爲征露第二軍司令官。奏南山得利寺之大捷。以絕旅順援路。爾後轉戰于各地。所向無不勝。偉勳最顯著。大將在陣中多賦詩。吟詠不止云。余恭次瑤韻。三首

敵兵據嶮別成寰 鐵網縱橫堅壘間 奧將軍真拔山力 猛然一舉破南山  
露軍猖獗幾回平 戰捷頻傳大本營 豈啻武功無匹敵 陣中詩就有正聲  
膺懲功就將軍還 萬歲聲傳新領寰 馬上回頭遙決肯 當年劇戰彼南山

小 川 大 將

大將亦我豐前之士也。夙以驍勇著。曾與陸軍教師獨逸將官論兵。侃々不屈。人服其剛毅卓識。明治二十七八年之役爲第一軍參謀。今又爲第四師團長。出征有功云。

將軍講武未輕言 曾向賓帥作戰論 清露膺懲多偉績 用兵之妙只和魂

戰 後 偶 感

外征壯士戰功成 兵氣全收復太平 昨在滿洲揮銃劍 歸來今日買牛耕  
日露交戰中 我京都郡出征殉難諸士實八十有四人也 今茲丙午  
四月一日二日 設招魂祭於豐津中學校運動場 郡內神官各宗僧

侶悉集 一日爲神祭 二日爲佛祭 第二軍司令官陸軍大將男爵  
奧保鞏 第十二師團長代理旅團長陸軍少將島村千雄 聯隊長陸  
軍中佐竹下平作諸將 被臨場 在鄉將卒 軍人遺族 官衙吏員町  
村長議員有志者及各學校職員生徒 參列者一萬餘人 其他一般  
拜觀者如堵 祭典最嚴肅莊重 以慰殉難諸士英魂 又有競馬相  
撲煙火演劇諸種之餘興 本郡未曾有之盛事也 恭賦一律以爲奠  
懸軍萬里氣揚揚 朔北長驅殪虎狼 取義成仁生豈惜 盡忠報國死何妨  
殉難偉績驚天地 敵愾誠心凌雪霜 花是櫻花人武士 神州雙美鬪芬芳

凱旋陸軍大觀兵式恭賦記盛事用觀艦式詩韻

日露交戰二春秋 殺氣慘愴清韓州 臥薪嘗膽十歲間 今日膺懲志初酬 戰捷  
遂見媾和就 六師奏凱大刀頭 至尊親閱觀兵式 滿都歡呼瑞雲浮 出師固是  
依仁義 唯使滿韓得自由 幾回劇戰撼天地 南山奉天是其尤 有始而鮮克有  
終 此役始終氣勢迥 各軍諸將如雲集 感激齊拜 詔勅優 龍顏有喜天日麗 百

萬觀客亦來遊 如斯盛典眞空前 舉國一致贊皇猷 乃知發如萬朶櫻 畢竟衆芳與難儔 精忠義烈我國士 未知他邦有之不 嗚呼陸軍威烈鞏大無匹敵 永護皇基雄五洲

筒井省吾君 開戰捷紀念公園 名曰千勝園 移植奧大將所賜之

滿洲產植物 永以爲紀念云 賦此贈

曠原一變作仙鄉 紀念公園遊客忙 戰捷餘光長不滅 英風千載與花香

題明 治萬歲集後

憶昔萬歲樂 舞來賀新正 觀者忽爲群 兒女爭歡迎 烏帽爲凸字 春風舞衣輕  
農家祝豐穰 商家慶繁榮 到處說福壽 雄辨讚太平 鼓手和舞客 萬歲萬歲聲  
笑渠萬歲樂 無實唯有名 明治維新世 國家養實力 制度皆一變 文武仰聖德  
國運日隆盛 皇化及異域 今我記變遷 摘要卅九年 一曰廢藩鎮 廟堂擢才賢  
大哉五誓言 進取國是全 二曰靖內亂 征討西南邊 兵制見實績 頑固士可憐  
三曰發憲法 國民參政權 萬機決公論 王道固無偏 四曰有外征 清國覺頑眠

新領臺灣島 償金貳億圓 五日日露戰 正義佑在天 陸軍多捕獲 海軍滅敵船  
戰捷講和就 六師悉凱旋 樺太半占領 北門鎖鑰堅 遼東得租借 旅順又大連  
創設統監府 經綸扶朝鮮 武威耀世界 偉勳萬世傳 萬歲眞萬歲 農商彌勉焉  
萬歲眞萬歲 文物益燦然 吾曹謹呈頌 明治萬歲篇

唱 和

集

自明治四十一年  
至大正七年

緒方清溪評

明治四十一年。戊申二月一日。文學博士甫水井上先生。爲修身教會事業擴張。來我  
福岡縣京都郡。開講演於豐津村。荻田村。行橋町。黑田村。犀川村。伊良原村。爲  
十七席。余以公務。有學齡簿調查之事。巡回同行。朝夕相見。詩酒盡歡。爾後先生  
巡遊千大分熊本佐賀各縣。屢被寄客中之詩。余因次其韻。又有贈呈之詩。唱和贈答  
積及數十篇。錄以供他日之追憶云。

所

感

甫

水

處々東風拂雪吹 歐桃米李一時披 吾家別有老梅在 春滿三千年古枝

呈 甫 水 博 士

甫。水。梅。花。馥。郁。頻。風。丰。高。潔。妄。難。親。歐。桃。米。李。無。顏。色。占。得。乾。坤。第。一。春。

羅綿迂曲妙甚 馥郁作芬馥似佳

越 溪

四 聖 合 讚

孔釋瓊韓世所推 靡然遺教遍華夷 述而不作承三代 唯我獨尊凌六師

千古卓論驚詭辯 一篇批評拂懷疑 西賢東聖皆同轍 眞道何邊有兩岐

越 溪

四。聖。六。賢。三。學。堂。精。神。修。養。本。根。場。五。洲。今。日。無。斯。說。皇。國。因。君。更。有。光。

一氣流通佳句奔赴 非老手不能辨焉 更有光三字下得嶄新

題 自 像

圓滿萬德性月明 了達諸法理海清 四聖已遊此妙境 我亦欲鞭意馬行 積年

實踐至今日 前途猶遠幾鵬程

甫 水

越 溪



忠君愛國養精神。一變民風教化新。四聖六賢三學後。東洋更見有斯人。

一結東洋更見云々作東洋今日見斯人 後字尤妙 作外字 亦不惡 後字純詩人 喜之 於俗詩人却喜外字乎

西遊途上吟

甫水

身似浮雲忙去來 鎮西爲客此三回 馬溪風月非吾意 欲訪菅公遺愛梅

次韻却呈

越溪

北馬南船去又來 西遊聞說已三回 九州風物心無賞 偏慕菅公祠畔梅

無賞二字作無慕亦可乎

哲學館大學退隱

甫水

獨立經營二十春 喜見校運幾回新 自今退隱成何事 朝汲泉流夕拾薪

越溪

哲學館成傳萬春 修身教會又維新 請看功業如斯大 却汲泉流且拾薪

碩學先生却學白頭之書生 亦可謂偉矣乎哉

拙作一首贈秋滿君以謝其功勞

甫 水

聞君報國志尤深 戰後經營殖學林 今日功成須一醉 滿山樹色伴閑吟

越 溪

一片丹心報國深 歷遊北水又南林 欲排邪說明正道 不學馬溪風月吟

子成讀之却有忸怩乎 呵々

與秋滿兄共發豐津至伊良原途上之作

甫 水

一路傍溪曲幾回 雪埋林壑白成堆 客衣馬上寒殊甚 風自彥山高處來

越 溪

十里長溪路迂回 寒風淅瀝雪成堆 名山探討非君意 唯說精神修養來

甫水先生原作極妙 而越溪先生次韻亦妙 真可稱雙璧也矣

過 耶 馬 溪 二首

甫 水

一別已經二十秋 再來復與此山遊 水眉石目皆依舊 只恨美人多禿頭

溪上風光總不凡 水心山腹鏤奇崑 誰言造化無偏愛 何向豐陽開秘幽

山影水光春又秋。干花干月客來遊。詩人今古多名句。君與賴翁抽一頭。

干花干月 一作宜花宜月 亦妙乎 名字作佳亦佳

斯水斯山總不凡。奇文誰寫此奇崑。賴翁去後井翁在。復入仙溪叩秘函。

誰寫々字須作賞字 而去字作逝字 亦佳

望 阿 蘇 山 甫 水

豐筑諸山臥且眠。蘇峰獨起勢猛然。風吹噴火冲天氣。散作千村萬落煙。

越 溪

周遊九國覺迷眠。學說聽來人肅然。獨對蘇峰堪養氣。幾留吟杖賦雲煙。

余昔遊彥山遙望阿蘇欲做列子駕風而往不能焉今讀尊什不堪今昔之感也

球 磨 川 上 作 甫 水

球磨川上別風光。山紫水明無盡藏。誰毀前巖開鐵路。炭煙恐是穢仙鄉。

欲說修身益國光

十年未必問行藏

請看他日成功後

人仰東洋道德鄉

越溪

寔然

三角港觀月

甫水

東去西來漂泊身

肥州盡處養天真

草泮今夜風波穩

三角山頭月一輪

越溪

俗務紛紛役此身

青山何處養吾真

東遊欲賞中秋夜

哲學寺前明月輪

紛々作紛紜亦佳

菊池社頭所感

甫水

桑麥田間曳杖行

社頭風物動吾情

半千年古勤王跡

今講農蠶不講兵

越溪

水村山郭曳筇行

多謝先生愛國情

唯使人心守正義

五洲誰又說強兵

三四寫得妙 使歐米口唱平和者讀之 亦項門一針乎哉

高瀨川上作

甫水

一帶清流橋影長 脚車如織送迎忙 客樓偶購鮮魚得 獨酌閑吟弄夕陽

越溪

百里江山客路長 巡遊九國去來忙 馬溪球水探奇盡 又負吟囊向鶴陽

淺語尺々情

日奈久溫泉鳩山即事

甫水

鳩巒高處立清晨 烟水霞山對晚春 麥酒三杯微醉後 恍如燈畫館中人

越溪

德教諄々夜又晨 豐肥遊歷送三春 先生博識兼洋漢 不讓東西大哲人

大哲人下得不佳 作哲理人却覺佳乎

代謝章

甫水

浪遊半載在豐肥 到處人心逐日非 賴有諸兄能遇我 瘦肩復荷重恩歸

越溪

半歲周遊豐筑肥，文明却見物情非。  
知君再度西來意，不化人心不敢歸。

西來二字極妙 佛典有此字 而此詩說來九州而暗帶濟度衆生之意也

謁 菅公廟所感 三首 甫 水

菅廟門前寄客身，雨窓唯與社燈親。  
滴聲誘起梅花夢，結得一千千古春。

菅聖社頭月破雲，清輝照處絕塵氣。  
滿庭梅樹千年影，寫出經忠緯孝文。

欲訪菅公遺愛梅，人從遠近八方來。  
拜神多是祈冥福，養否和魂與漢才。

越 溪

宰府名區寄宿身，菅公廟下與梅親。  
斯花斯客真相伴，詩就永傳千古春。

相伴二字下得未佳作伍字應佳

梅花亂發白於雲，夜月清光絕俗氣。  
菅廟巍然輝萬古，神威赫々護斯文。

夙慕菅公遺愛梅，三千里外遠尋來。  
神靈應慰斯人謁，映徹和魂與漢才。

三詩非所衷思 君資性忠厚故作如此 此題語々出於肺腑 故其語清高雅健而不自知也 是余輩之所不及也矣

謝福岡縣辱知諸君 二首 甫 水

汲得祖宗遺訓泉 灌來豐筑幾心田 菲才只恐語多失 訥辯豈期人滿筵  
天拜山根尋古道 金龍寺畔謁先賢 諸兄厚遇須深謝 耐否重恩荷瘦肩

越 溪

學識本如深遠泉 洋洋德澤溉心田 高風感化鄉移俗 聖旨謹聽人滿筵

修身談主 教育勸語

一氣寫來無一閒字

真理說明儒佛道 至誠敬愛古今賢 修身教會新施設 重任知君擔在肩

亦 妙

甫水博士 寄示福岡縣巡回統計 遊歷四市十九郡 三十七町六

十七村 會場百二十三所 講演二百三十七席 聽衆七萬一千五

百二十六人云 賦此表謝意

越 溪

格言卓說語諄々 一片誠心起惰民 豐筑巡遊無不到 化來七萬二千人

意與筆不離所以有此妙什也矣

甫水博士 被惠贈南船北馬集 第一第二第三編 卷首有哲學堂

攝影 賦此拜謝 二首

越 溪

南船北馬記成章 寫出忠君愛國腸 且拜修身本根地 搆來壇上聖賢堂  
老樹森々含瑞光 和田山上聖賢堂 書生校訓真無用 此是修身活教場

活字一篇字眼

呈 甫 水 博 士 二 首

越 溪

紛々學士往來頻 總是釣名求利人 獨有先生真愛國 滿腔無說不精神  
修身教會日經營 西海東山萬里程 弟子三千滿天下 巡遊到處有歡迎

人間清福何者過焉

庚戌夏日 贈甫水博士 二首

越 溪

行橋送別已三年 夢繞和田山月邊 東聖西賢一堂裡 爲師爲友獨欣然  
欲開教會護 皇基 十歲成功必可期 世態人情唯粉飾 先生學德是吾師



世態如雲人情似紙 罵盡痛快余亦同感

甫水博士 被惠贈自家格言集 因題其卷首 二首

越 溪

鎔古鑄今語 格言真格言 言簡意深遠 足以養和魂  
博士堪欽仰 和魂洋漢才 格言蒐成卷 又壓古今來

二首天籟

聞甫水博士北堂之裘賦呈 越 溪

賢母生賢子 慈恩何所酬 醇正成學德 維孝世無儔

明治孟母生孟軻 立聖明之世諄々說道德真千載之一遇也

宿直方町清水樓旅館 壁上揭甫水博士書 春夏秋冬福滿樓句

余因補成一詩 以贈博士 越 溪

春夏秋冬福滿樓 東西南北富源流 姓呼安永名清德 且以直方待客遊

以富騰語寫道理 妙甚奇甚 結末以易語出之全篇皆振

甫水博士 被惠南船北馬集第四編 賦代謝章

越溪

哲學多年下講帷，又祠賢聖護神扉。  
東奔西走無寧處，北馬南船尚未歸。  
教及國民知道德，詩成泉石益光輝。  
數篇遊記尤堪愛，風俗人情見是非。

恬澹下筆 景情二致 恍如在眼前老手哉

祝日韓合邦 甫水

號外一聲驚四隣，讀來併合勅宣新。  
我皇明德炳如月，照及朝鮮八道民。

次韻二首 越溪

和韓相對久為隣，天意人心忽一新。  
今日合邦呼萬歲，恩波沾徹自由民。  
勅宣煥發併西隣，大赦減租仁政新。  
舉國歡迎君勿怪，二千年是舊交民。

二首佳妙乃在不侮貧弱 詩人溫敦之風也哉

南米客中憶閣龍 甫水

希世壯圖何物遮，閣龍究盡水天涯。  
當年移植文明種，今作西洲萬朶花。

壬子一月 甫水博士 遠自一萬哩南米客中 見贈賀正箋 且有

南米客中憶閣龍詩 因次其韻 却呈 越 溪

鐵艦曾無一物遮 壯遊萬里在天涯 知君載筆未歸去 探盡西洲南米花

妙々承句壯遊云々下得佳 故起句大發光 此等詩諛非我越溪先生不能知焉 又

非余不能解也呵々

甫水博士 巡遊南洋諸島及南米歸 賦呈 越 溪

觀光遠到大洋洲 顧盼又爲南米遊 彩筆彬々寫風物 滿囊金玉益皇州

穩 秀

周遊南半球 歸來有作 甫 水

背花四月上長途 看盡濠阿歐米都 歸對家山冬未遍 只驚霜雪滿吾鬚

甫水博士 見贈攝影兼近作 次韻却呈 越 溪

三千里外隔長途 我在豐山君帝都 攝影拜來堪景慕 何時再會撚吟鬚

三千里遠則遠雖然文士靈犀一點照之唯在咫尺之間而已 豈遠云遠云乎哉

又

愛國精神老益堅。三巡世界擲私錢。誰言鬚髮如霜雪。豪氣堂々壓少年。

越溪

如作戴何如

讀南半球五萬哩賦呈甫水博士

越溪

周遊世界已三回。到處得新知識來。以利國家資發展。著書又見育英才。

在先生集中未至者削去亦可

甫水博士見惠明治徒然草賦謝

越溪

世間學者售高明。博士謙虛推至誠。絮々訓言期普及。自稱百姓的先生。

售作銜亦佳

又

天空眞海濶。萬里駕長風。日本男子膽。南球落眼中。

詩膽亦如斗

南球五萬哩卷首詩

甫水

南球五萬哩餘程 沐雨梳風嘆獨行 歸入舊廬有相識 一窓梅月照寒更

次 韻 越 溪

長途未必問歸程 濠海阿山乘輿行 北極觀光探奇景 太陽高照夜三更

甫水博士見惠未知句齋集賦此拜謝 越 溪

江湖到處入閑吟 勝地風光輸意深 誰謂先生未知句 妙討金玉照詞林  
先生博學又多才 北馬南船幾百回 六十餘州無不跡 名山名水入詩來

清溪先生評曰

壬子七月三十一日 余讀南華 已倦 門外有客 携詩卷而到 余倒屣延千樓 歡

談數時 客出所携詩卷 示余 披而讀之 清新雅健 如秋鶻舞空奔馬脫羈 縱

橫飛翔 殆使人避易 余徐下筆 加關已感吟 客爲誰 余畏友越溪秋滿翁也

朝鮮漫游雜吟集 大正三年 緒方清溪評

入 日 本 海

飄然北去向朝鮮 意氣揚々跨鐵船 日本海中先一顧 當年戰跡果何邊

三四寫得無限感慨

釜山訪入江靜軒席上賦示

三十年來如弟兄，相逢白髮兩相驚。  
釜山風雨留行客，頻酌芳樽話舊情。

天涯逢知己 何等快愉 此日先生所願幾斗

清津上陸贈入江靜軒

釜山醉別忽乘船，汽笛聲中向北鮮。  
知否羈窓孤客枕，宵々幽夢有君邊。

多情

入江靜軒贈美酒慰余船中旅情賦此代謝章

客中相會樂如何，詩話文談半日和。  
多謝故人芳酒贈，令吾海上醉恩波。

先生資性豪爽 頗嗜酒 入江詞契贈綠蟻 何等好案 若夫先生贈黃金 唾而不

顧 贈美人亦然乎 呵々

望朝鮮諸山偶成

連峯無樹草離々，家少炊煙民泣飢。  
聞說禿山亡國兆，初知此語不吾欺。

一氣哦成

羅 南 途 上 二 首

長。白。山。頭。白。雪。堆。 自。驚。遠。入。北。鮮。來。 皇。威。偏。仰。版。圖。大。  
載。客。小。車。頻。往。遠。 悠。々。鐵。路。曠。原。間。 峻。峯。仰。望。詩。魂。動。  
尤。喜。人。文。逐。日。開。 積。雪。玲。瓏。長。白。山。

實況宛然

有加藤清正韓二王子之遺跡

茫。々。平。野。望。無。窮。 百。里。行。程。鐵。路。通。 鬼。將。當。年。捕。王。子。  
立。車。慷。慨。慕。英。風。

三四有慨然懷古之意 史記苑傳有立車字 故用 立即停也 留也

示 鮮 人 某

鷄。林。八。道。浴。恩。波。 頑。夢。醒。來。上。下。和。 借。問。我。皇。發。新。政。  
庶。民。苦。樂。果。如。何。

果如何三字有無涯深意

鏡 城

勸。農。興。學。苦。經。營。 新。政。廳。開。關。北。城。 懷。昔。藤。公。進。軍。地。  
平。和。今。日。合。邦。成。

七絕上乘

贈李聖悅

與君願蓋結斯盟。表得合邦兄弟情。國語未通情叵達。丹心唯誓護東京。

筆端有舌 老手哉

遊中村正雄果樹園

六月梨花滿開時候之差甚矣  
閑遊何處養吟心。一望赭山無綠陰。六月北鮮天未暑。梨花如雪滿園林。

好竹枝

清津港

巖山盡夕海茫茫。岬角傍灣眺望長。真是清津清潔地。市街新築好風光。

如畫

元山港

江原威鏡一眸間。鐵路長連遠大灣。見得物資多集散。北鮮要港是元山。

紀實之詩不必奇巧 此詩結末如身到其地 觀其景 非所夷思也

釜山港



棧橋突出港中央。數萬電燈煌有光。海陸交通多利便。停車場接繫船場。

此詩如對釜山攝影 妙々

京城遊南山漢陽二公園 園多櫻樹

京城何處好風光。遊到南山又漢陽。五百年來李家景。燦然移植我花王。

移植不啻我櫻花 數十年之後 我武士道 亦應移栽 跋跋々々

觀景福宮慶會樓 樓李王所賜群臣宴也 構造最宏壯今尚屹然

前朝宮殿付他人。禾黍離々感更頻。慶會樓高空屹立。君主無復宴群臣。

有李白蘇臺懷古之趣 三四使人不覺涕泗也

訪藤原度支部理財課長賦贈

人情風俗不相同。統一何時治績隆。衣食足而知禮節。期君急務理財功。

余亦知課長 豪邁果斷 頗有古英傑風 苦苦忍耐 須奏絕代之功 余爲我州 所深望干課長也矣

訪大塚春谷賦贈

行橋暮靄。彥山煙。詩酒同遊廿歲前。今日相逢情不盡。舊新談緒孰爲先。

春谷老兄今爲何如狀。余亦忝其知遇。不逢十有餘年。何時欲劈溪螿。酌濁醪。以談今昔焉也。

訪安河內京城校洞普通學校長賦贈

憶會共欲興民風。學務狂奔西又東。慚愧吾儂無寸績。欽君益建育英功。

航海中觀臺北丸船員演藝餘興贈劍舞者某

劍舞堂々發大聲。演來義勇奉公情。如虹海國男兒志。蹴破狂濤斬巨鯨。

豪氣難當。詩思活潑。作者深意之所在也。英風如此。我邦海軍之先途。益可祝乎哉。

清溪先生評曰

朝鮮漫游詩稿 逾讀逾妙 如倒嚼蔗 先生老健 載筆蹂躪八道 真可健羨哉  
甲寅夏日

雜 吟 集

明治大帝銀婚式賀詩

東方君子國 文物日々新 上下咸一德 誰比我君臣 聖皇允文武 賢后至慈仁  
明治甲午歲 大婚廿五辰 宮中舉盛典 儀式總以銀 洪蕩恩波洽 歡呼億兆民  
鶴舞富岳頂 龜躍琵琶濱 國風頌聖德 關雎又何陳 純嘏無窮已 皇威及四隣  
鶯花春靄々 祥雲罩紫宸

旅 順 陷 落

百里江山砲壘堅 難攻不落世相傳 皇軍精銳終無敵 滅却陸兵與海船

謹弔從一位大勳位伊藤公薨去

七十年來益勵精 誓酬 聖主竭忠誠 夙開憲政應民意 頻贊 皇猷適國情 一代  
盛名轟內外 千秋偉業及韓清 金風朔北身終斃 長使神靈護帝京

奉呈末松子爵閣下乞正 三首

天資素英邁 博學漢兼洋 夙達青雲志 忠誠護我皇  
學德尤深厚 功名內外聞 立身彰父母 純孝獨推君  
豐國生名士 偉勳千載垂 克忠而克孝 眞個是吾師

奉送西園寺公爵閣下浴南豐溫泉

憲政消長擔在肩 忠君愛國志尤堅 靈泉偏願醫微恙 天使西公保萬年

奉呈西園寺公爵閣下

滿腔誠意愛斯民 憲政弛張繫一身 忙裏胸中閑日月 豐山探討養精神

呈南極探檢隊一行諸君

探秘闢幽南極邊 壯懷鬱勃壓前賢 日東亦出快男子 不使米歐先着鞭

呈守田蓑洲翁次佛山先生贈翁詩韻

佛山門下士紛々 師愛最深無若君 夫子錦腸誰所表 藏詩巖峙筆生雲

訪內野東庵翁席上賦呈 四首

世上營々利與名 紛々輕薄亦堪驚 老來唯喜逢知己 重倒芳樽話舊情  
傳法寺中尋舊盟 道心自似水光清 田園風物全真樂 不問人間利與名  
秋晴趁駒訪幽人 水影山光養我真 尤善年豐多樂事 菜根咬得醉芳樽  
昔遊回首跡悠悠 問學越林温古樓 轉喜交情如一日 閱來四十四年秋

彥山

憶昔三千八百房 寥々今日見茅堂 名山元是生名士 誰育英才益國光

望英彥山賦呈高千穗男爵閣下

獨立巍然三國間 仰看雲表碧孱顏 如斯靈境須可護 此是鎮西第一山

彥山曉起即事

高樓下瞰白雲橫 山上雨晴朝旭明 却愧吾曹疎學識 對斯奇景句難成

乃木將軍

武功文德兩相全 闔族忠誠萬世傳 幾報君恩未爲足 獨攀龍髯又昇天

呈邨野山人翁

夙欽乃木將軍忠 新建神祠表偉功 巨萬家資廣公益 千秋誰不仰高風

勅題照寒月梅花

鴨綠琵琶湖瑞色新 高峰長白雪如銀 一輪寒月東洋上 來照梅花神國春

勅題社頭杉恭賦賀新年

奕々神宮廟 社頭杉蒼々 萬古凌風雪 豈爭華與芳 今上皇帝立 治績冠東洋

丕美明治烈 文武綱紀張 庶民誠荒怠 自彊勵農桑 天爲賜豐年 穰々收穫忙

去華就實詔 遺訓煥有光 萬邦來修好 皇威益隆昌 大正王正月 乾坤新呈祥

神杉入勅題 瑞色映朝陽 滿鮮臺樺洲 遠近獻歌章 相和千代曲 春風頌聲長

送川端郡長轉任浮羽郡

郡治惜不及三年 政教實施功未全 送別何堪失賢宰 行橋秋雨恨綿々

送神昌勝君之滿洲

偶爾相逢結此盟 期君竭須奉公誠 滿洲到處多交友 勿辱日東男子名

祝筒井君孝子會開設

俗子輕佻孝道衰 挽回之花果爲難 筒君誠實開斯會 此是人間第一基

題 處女會 贖

當代婦人誇外妝 衣裳粉飾意揚々 筒君之贖須多謝 一變浮華裁錦腸

次瓜生上人見寄詩韻

南船北馬客遊身 雄辯驚成說無偏 一片輸誠期報國 諄々教化幾千人

時 事 有 感 四 首

歐洲大戰亂如絲 世界平和何日期 萬古金甌我神國 君民一德護皇基

列國相侵志未酬 砲煙彈雨鎖歐洲 曾聞世界平和會 借問當年何事謀

王師赫怒勢如雷 天佑皇軍敵可摧 記否當年橫抗議 遼東還附壓吾來

世界空前亂 人々思媾和 不知吾政客 戰後策如何

祝 青 島 陷 落 三 首

築得難攻不落壘 通商軍備久經營 日本神兵忽占領 膠州灣上凱歌聲

領地有開南海問 十年重獲北門關 皇師今日遠西伐 戰捷新占一大灣

獨逸頑強聞四讖 各國聯軍志未酬 何人克奏先登捷 高揭日旗青島頭

小笠原先侯三百年祭拜盛典恭賦 三首

藩公昔日竭忠誠 一死酬君轟武名 遺澤泮泮冷豐國 錦陵祖廟仰神明  
中原逐鹿憶當時 勇武絕倫垂青史 星物換移三百載 雲孫依舊護皇基  
神威赫赫瑞雲橫 英彥山高禊水明 偏仰清和源最遠 餘流不竭育蒼生

呈如雲高橋先生

官海永年奏偉功 歸田今日臥清風 高堂君得四時景 雪月花琴詩酒中

訪望彥亭如雲翁賦呈 三首

高亭坐望彥峰奇 秀氣爽然來入詩 驚見縱橫筆鋒銳 文壇老將舍君誰  
南方彥岳北周洋 水色山光眺望長 不怪主翁多妙句 豐州雙美映高堂  
朝名市利客紛々 詩酒相親獨有君 三十年來堪久處 交情唯見淡如雲

望彥亭觀菊賦呈主人 二首

閑遊何處養吟腸 觀菊宴開高士堂 花與主人全晚節 風霜堆裏轉芬芳



高士年年栽菊成 紅黃紫白麗然開 斯人眞與斯花伍 馨德瑞香兩美哉

望 彥 亭 試 筆

悠然看盡彼崔嵬 望彥亭中試筆才 不怪妙詞多峻拔 山々秀氣入詩成

時事有感次如雲先生詩韵 二首

時事感成尋舊盟 今文古史共論評 書生喋々君休笑 一片猶存愛國情  
博士堂々結此盟 何心正閭抹公評 嗚呼曲學多奇說 忘却忠君愛國情

菊

西風搖落自荒涼 菊在東籬晚節香 更擅花中千萬美 天邊高耀御紋章

觀 臥 龍 瀑

一道飛泉界碧峰 松苔濕處可停筇 山中無復人之顧 遺恨千秋有臥龍

秋 日 登 高

處々峯巒楓葉紅 登高又喜興無窮 斯山斯水多詩料 秋爽一眸千里中

無 題

柴門人不到 百感不堪情 窓外時疑雨 蕭々落葉聲

輓白梅吟社社友廣瀨君

昔日江南處々山 同遊疎影暗香間 梅花歲々花相似 只恨吟人去不還

拜觀紫宸殿

寶祚三千載 綿々天地同 穆々紫宸殿 御座拜威風

拜乃木將軍墓

青山秋寂寞 弔客不堪悲 來拜人墮淚 忠臣烈女碑

觀乃木將軍故宅

夙立勤王志 功名內外轟 英魂呼不在 空止血痕誠

列行橋校乃木會即吟

憶起當年奮戰功 武名千古仰威風 一家義烈殉君國 不讓勤王楠氏忠

贈長篠古戰場顯彰會

長篠之役世所知 四海割據戰國時 武田織田德川氏 當年偉傑各出師 猛將

銳卒拔其萃 純忠精義死何辭 攻守連戰最健鬪 兩軍呈變又攄奇 豈管戰術  
究奧妙 和魂如鐵模範垂 物換星移事邈矣 顯彰之者果爲誰 南設樂郡教育  
士 蒐集事蹟且保維 名士講演益世道 英魂追祭所將爲 戰史新撰傳萬古  
兼向江湖募歌詩 慨歎如今男兒風 輕佻爲俗氣節衰 舉世滔滔皆懦弱 此舉  
以爲尙武資 君不見日清日露二大捷 歐米瞳若心所疑 戰勝素不由兵器 一  
片和魂眞得宜 忠君愛國咸一德 古武士道存于斯 由來戰不如人和 須養士  
氣護 皇基 嗚呼顯古戰場說古武士道 文武兩輪不可離

奉拜

大元帥陛下臨幸九州大演習地恭賦長篇

高千穗峯秀西陲 神武帝業創干茲 九州平定浴皇化 帝執弓矢何處之 東方  
有賊長髓彥 頑兇據嶮抗王師 王師征討急難進 一天雷雨晦冥時 忽有靈鷲  
止弓弭 金光爛々賊難支 討滅群醜平中州 檀原奠都固皇基 醇厚爲俗民安  
居 又祀天神皇模垂 祭政一致兼尙武 肇國樹德總如斯 君不見熊襲土蛛起

九州 景皇赫怒來討賊 賊徒伏誅拂妖氣 海內風靡仰 皇德 爾來新羅在西隣  
潛援叛臣資兵食 神后出征討其罪 從是 皇威振殊域 元主驍勇吞四隣 欲向  
我國宣武力 十萬胡兵盡擊沈 使四百餘州屏息 又不見百廿二代列聖傳 明  
治天皇德則天 夙以開國爲國是 煥乎五條誓文懸 人文月新又日新 輔弼閣  
臣多英賢 乃發憲法開國會 新政無蕩又無偏 何物清露恃大國 向我無禮橫  
暴專 保有天佑我皇帝 宣戰詔發內外邊 義戰所向無匹敵 猛將銳卒競先鞭  
滿清是膺驕露懲 二役大捷眞空前 干陸干海多戰利 前領臺灣後樺鮮 叛圖  
擴張至海外 皇化漸々向西遷 歸馬放牛復平和 歐米修好各爭先 殖產興業  
又發展 陸增汽車海汽船 國運隆々耀世界 偉勳赫々照史篇 今上陛下繼丕  
績 文經武緯益燦然 外討青島維武揚 內綏黎民荐豐年 上下淬礪守遺訓  
去華就實愈勉焉 年々講武最嚴肅 巡幸統監兵馬權 今茲丙辰十一月 秋高  
馬肥軍旗翩 大演習開九州野 豐筑肥藝師團員 皇旅堂々皇武赫 貔貅雲集  
幾萬千 電擊雷轟撼天地 神出鬼沒震山川 攄奇呈變運籌略 攻守奮鬪數日

連 文明更出航空機青 天飛翔幾臺聯 南北對抗各活動 千古壯觀衆目牽 演  
習了有觀兵式 文武官民賜享筵 表忠彰功賞先哲 恩波浩蕩洽九泉 九州草  
木被光榮 筑山肥水罩瑞煙 古聖今聖其揆一 勇武卓越無比肩 豈啻勇武無  
比肩 君臣一德忠孝全 嗚呼高千穗峯巍々仰彌高 寶祚無窮金甌萬古堅

緒方清溪先生評曰

全首雄峻跌宕 叙 皇威赫奕 蒼々莽々 意至筆隨 無一懈字 非學邃識博者  
不能也 作者昔親炙善言小野原翁 頗究國體 翁長水府學者 故語々肺腑句々  
實摯 使人感嘆不措焉

又曰 此詩爲句八十八 爲字六百二十七 殆與老壯古體諸詩 可並轡而俱馳  
矣 又今時藝苑之大作家也哉 丙辰十一月

佛山先生御贈位記念祭謹奠

維山蒼々水涓々 靈淑之氣生大賢 佛山堂與水哉園 塾在京都郡稗田 稗田  
呼做詩人村 詩人村名天下傳 先生終身樂育英 忠孝教訓最勉焉 東西南北  
來入門 海內弟子蓋三千 三千弟子多俊髦 盡忠報國着先鞭 先生純孝事母

氏 且敬祭祀崇祖先 溫良家範化鄉黨 醇厚成俗美風遷 弟子胥謀建壽碑  
 藏詩巖藏詩三編 幾散家財賑窮民 慈善如佛名實全 今上陛下幸九州 閱兵  
 鎮西師團員 九州男子有義勇 修文講武不相偏 表忠彰功兼獎學 皇澤洋洋  
 西海邊 聖恩更仰及枯骨 贈位命忝降於天 果見先生與榮典 今日報告靈碑前  
 碑前髣髴如神在 坐客肅然也譊然 稗水沙白水愈碧 佛山雲晴罩瑞煙 吾亦曾  
 浴水哉流 謹呈蕪調詩一篇 嗚呼佛山不騫稗水長不盡 功德巍巍蕪蕪萬斯年

安川翁礦山事業之餘 夙拋私資設明治專門學校盡力育英事業  
 今又開古稀退隱之雅宴 有礦區所在各小學校教育基金各種慈善  
 事業及礦業從事員慰勞金等數十萬圓頒布 美舉不堪欽慕 恭呈  
 一詩以表敬意矣

英彥山高聳豐前 遠賀川深筑北邊 豐筑沃野連百里 又見處々多炭田 白日  
 濛々望欲迷 煙筒林立吐煤煙 石炭輸出長不盡 陸有汽車海汽船 礦主是誰  
 安川氏 富國救民道德全 君不見北九州之大疑獄 收賄瀆職遠近傳 博士技

師高官士 唯謀利己不畏天 天網恢々疎不漏 忽在縲繼辱祖先 獨有安翁萬  
綠紅 忠君愛國志愈堅 巨萬財產廣公益 夙設大學育英賢 慈善救恤無不盡  
功成名遂七十年 今茲戊午祝古稀 佳賓相會開雅筵 賢子賢孫守家訓 至誠  
報國益勉焉 安翁自今拋世事 優遊高占風月權 我亦北豐一狂生 景慕安翁  
思悠然 不才何以頌盛德 聊呈蕪辭詩一篇 嗚呼安翁功名高於彥山 安翁德  
澤深於遠賀川





附

錄



## 拜 宣 戰 詔 勅

征露宣戰ノ詔勅煥發セラレ艤鱣貔貅ハ既ニ旅順ヲ衝キ滿洲ニ向ヒ肅々トシテ猛進シツ、アリ此レ我國未曾有ノ事變ニシテ國民ノ一大決心スベキ所ナリ露國ハ夙ニ世界列強國ノ一ニアリ剛腹暴慢固ヨリ侮ルベカラザルノ大敵タリ今ヤ懸軍萬里之下交戰ス一舉以テ殄滅スヘケンヤ 或ハ曠日彌久數年ニ及ブモ亦未ダ知ルベカラズ果シテ然ラバ幾億萬圓ノ軍資ト國家持久ノ大計ナカルベカラズ然ルニ維新以降文明ノ治澤ニ浴シ自由ノ空氣ヲ呼吸シ上下一般靡然トシテ奢侈ニ傾キ宴遊ニ耽リ浮華ニ流ル殊ニ明治二十七八年戰役後ニ至リ戰勝ニ誇リ所謂戰後經營ヲ名トシ政府地方相俟テ國費地方費ノ膨脹ハ一ニシテ足ラズ社會ノ風潮ハ驕奢益々増長シ僻陬ノ村民ニ至ルマデ各其分限ヲ忘レ冠婚葬祭ニ無用ノ物品ヲ贈答シ唯虛禮ヲ事トシ殆ド底止スル所ヲ知ラズ而シテ其内情ヲ察スルトキハ負債ハ一年増加スルモノナキ乎課稅ハ一回一回滯納者ナキ乎蓋シ表裏相反スルモノ亦尠ナカラズ加フルニ近年風水害蟲害荐リニ臻

リ麥作又皆無生活ヲ損傷スル甚シ目下困難ノ狀況實ニ憂慮スヘキモノアリ嗚呼如斯弊習如斯民力ニシテ將タ此ノ非常難局ヲ如何センヤ故ニ斷然一變シ自今老若男女ノ別ナク共ニ千辛萬苦ヲ嘗メ誓テ奢侈ヲ禁止シ夙夜其事ヲ勉メ其業ニ勵ミ勤儉貯蓄以テ永ク國家富強ノ基礎ヲナシ忠勇ナル出征軍人ヲシテ毫モ後顧ノ虞ナカラシメ舉國一致宣戰ノ聖旨ヲ奉體シ克ク全勝ノ終局ヲ期スル爲大ニ奉公ノ赤誠ヲ盡サレンコトヲ懇諭スヘキナリ

祝 戰 勝

恭シク拜讀スルニ征露宣戰詔勅ノ冒頭ニ於テ天佑ヲ保有シ萬世一系ノ皇祚ヲ踐ノル

大日本皇帝ハ忠實勇武ナル汝有衆ニ示スト宣ヘリ露帝ニコラス第二世亦戰ヲ宣シ末章ニ於テ朕ハ此決意ヲナスニ當リ深ク上帝ノ救護ヲ祈リ朕ノ臣民ガ其祖國ヲ防護スル爲メ皆齊シク起テ朕ノ命ニ赴クヲ疑ハズ朕ハ朕ノ名譽アル海陸軍ニ上帝ノ加護ヲ祈ルト云ヘリ夫レ戰ハ國家消長ノ決スル所民人安危ノ

繫ル所故ニ與ニ誠ヲ竭クシテ天ヲ歛フ所以ナリ然リ而シテ天ハ善ヲ佑ケ惡ヲ罰ス我皇軍ハ正義ニ依テ起チ以テ東洋ノ平和ヲ攪亂スル無道ヲ誅ス出師ノ要ハ煥乎タル大詔ニ明カナリ宜ナルカナ連戰連捷環視列國ヲシテ驚嘆措ク能ハザラシム彼露國ノ行動ヲ見ヨ明治二十七八年清國膺懲ノ役吾ガ同胞軍人ハ血ヲ滿洲ノ雪ニ染メ骨ヲ遼東ノ野ニ曝シ忠勇猛進將ニ四百餘州ヲ席卷セントス清國畏レ來リテ和ヲ請フ斯ノ時ニ當リ露ハ獨佛二國ヲ慫慂シ聯合力ヲ以テ突如トシテ我ニ還遼ノ提議ヲナス

大元帥陛下寬仁大度其東洋平和ノ主唱ニ對シ之ヲ容レサセ給ヘリ而シテ彼反リテ旅順ヲ強奪シ滿洲ヲ占領シ尋デ韓國ヲ併吞セントス譎詐老獪亦太タ甚シ抑モ露國ノ專橫侵略ハ獨リ近世ニ始マルニアラズ其由リテ來ル所アリ在昔彼得帝ハ一母五子ヲ乳スルノ圖ヲ掲グト蓋シ其志ヤ五大洲ヲ併有シテ之ニ君臨セントスルニアリ則チ彼ガ小チ侮リ弱チ虐シ國ヲ掠メ兵ヲ強クシ以テ狼慾ヲ逞フセントスルハ祖宗ノ遺訓ニ從フモノナリ其レ如斯暴橫ヲ極メ猶救護ヲ

上帝ニ祈ルト亦何ノ心ゾヤ正義ノアル所天之ヲ佑ク日露交戰前後ノ事實ニ徴スルニ我ニ於テハ高千穂艦ハ巨鯨ヲ寸斷セリ白鷹水雷艇ハ大鷲ヲ生獲セリ箱崎ノ神鳩アリ霧島ノ烽火アリ其他頻々瑞祥慶兆ノ結果ハ仁川旅順ノ海戰ニ機先ヲ制シテ勝利ノ偉功ヲ奏シ士氣忽チ振ヒ爾後海陸向フ所勝タザルナシ彼ニ於テハ則チバイカル湖上ノ汽車ハ顛覆ニ回ニ及ビ千有餘人ヲ魚腹ニ葬ムリ旅順港外ノ水雷ハ自ラ爆裂シテ母艦ヲ沈メ地雷ハ地雷ノ爲メニ徒ニ發火シ無線電信ハ洩レテ其艦隊ノ所在ヲ敵ニ知ラシム災害並ビ臻リ艦隊畏縮シ陸兵退却シ士氣頓ニ挫ケ連戰連敗セザルナシ將官外ニ軋轢シ大臣内ニ暗殺セラル同盟罷工アリ帝室狙撃アリ所謂土崩瓦解國內慘禍相繼ギ殆ド收拾スベカラザルニ至ル禍福自ラ求ム天意亦疑フベカラズ今ヤ滿洲ニ於ケル中樞ニシテ半永久的防禦堅壘ヲナシ軍事上策源地遼陽ハ已ニ占領シ東洋ノ天險加フルニ億萬ノ巨資ヲ抛チ多年經營セル金城湯池難攻不落ト稱セシ無二ノ根據地旅順ハ已ニ陥落シ東洋艦隊ハ沈滅セリ奉天附近ハ彼レ海陸連敗ノ醜辱ヲ雪ガンガ爲メ輸送

ノ全力ヲ盡シテ兵員ト物資トヲ集中シ此一舉ニ彼我ノ形勢ヲ逆轉センコトヲ期シ決死奮鬪セシモ敗衄潰走シテ鍊嶺以北又隻影ヲ見ズ此遼陽旅順奉天大決戰ノ如キ孰レモ露國ノ威信面目ノ上ニ大打撃ヲ加ヘ我武八紘ニ輝ケリ來レ波艦隊起ヨ李公鳩公汝等世界強大國ノ暴勇ヲ振フモ天誅ノ加フル所其レ何物カ殄滅セザランヤ嗚呼亦快絶壯絶此レ偏ニ天佑ヲ保有シ神武英聖ナル

大元帥陛下ノ御稜威ト我陸海軍人ノ忠實勇武ノ致ス所ニ依レリ吾人ハ滿腔ノ熱誠ヲ以テ仰イデ

大元帥陛下ノ萬歲ヲ祝シ奉リ陸海軍人ノ偉勳ヲ感佩深謝スル所ナリ願フニ戰局ノ前途尙遼遠ナリ吾人戰捷ノ快報ニ接シ徒ニ之レニ輕躁狂喜セズ益々以テ沈毅堅忍學國一致ノ實効ヲ力メ誓ツテ終局ノ全勝ヲ期待シ國家百年ノ經綸ヲ爲シ名譽ノ戰捷ヲシテ持續セザルベカラズ謹ンデ微衷ヲ述ブト云爾

明治萬歲集序文

余曩キニ日露交戰中豊前吟友ノ同情ヲ得テ征露紀念韻集初編ヲ編纂シ以テ

忠勇ナル軍人傷病者慰問品トシテ寄贈セリ其發起ノ際ニ當リテハ僅カニ北方  
陸軍豫備病院アルノミ印刷成ルノ時戦局ノ發展ニ伴ヒ傷病者漸ク多クシテ已  
ニ砂津小倉二病院ノ増設ヲ見ルニ至ル一師團斯ノ如シ他亦知ルベキナリ況ン  
ヤ敵ノ死傷ハ我ニ相倍蓰スルモノアルオヤ而シテ當時連戦連捷ノ快報ハ吾人  
ヲシテ手舞ヒ足踏ミ歡呼措ク能ハザラシム然レ共敵ハ世界ノ最大國ナリ頑強  
ニモ連敗ニ屈セズ尙増援隊ヲ輸送シ元帥ノ交迭ヲナシ大ニ戦備ヲシテ我北進  
軍ノ防禦ニカム皇師精銳固ヨリ之ヲ撃退シテ遂ニ城下ノ盟ヲナサシムルハ必  
セリト雖モ之レガ爲メ幾百萬ノ敵兵ヲ殺傷シ我ニ於テモ多少ノ勇士ヲ損傷ス  
ルハ亦此レ免カルベカラザル所ナリ古ニ云ハズヤ兵ハ兇器戰ハ危事ナリト昔  
ハ佛國奈破翁歐洲ヲ席卷シ勝ニ乗ジテ露都ニ入り忽チ大雪ニ壓セラレ其武德  
ヲ瀆ス之レ或ハ天ノ災スル所ナラン今ヤ我至仁ナル

天皇陛下ノ大御心ハ唯東洋ノ治平ヲ維持シ帝國ノ安全ヲ保障スルヲ期シ給  
フノミ豈ニ生民ヲシテ永ク鋒鏑ニ困ラシメンヤ善カナ波艦隊覆滅ニ及ビ米國



大統領ハ人道ヲ尊ビ平和ヲ重ンズルノ誠意ニ出デテ兩國和議ノ忠告ヲナセリ  
兩國直ニ之ヲ容レテ媾和委員ハ米國「ボーツマス」ニ會シ談判ノ末遂ニ十五  
個條ノ媾和條約成立シ干戈全ク戢リ平和克復ス戰捷ノ結果我ニ得タルハ樺太  
島半部露領沿海漁業權長春以南滿洲鐵道遼東半島租借地韓國統監等其他戰利  
品ノ如キ亦頗ル多大ナリ開戰以來二十閱月ニシテ出師ノ目的ヲ達シ帝國ノ威  
武ト光榮トハ八紘ニ輝キ洵ニ曠古未曾有ノ盛事ニシテ誰カ帝國萬歲ヲ絶叫セ  
ザランヤ然リ而シテ國民ハ謹ンデ媾和條約詔勅ノ聖旨ヲ奉體シ又忠實勇武ナ  
ル陸海軍人ノ丕績ハ終ニ諷ルベカラズ余自ラ揣カラズ勅題新年河並ニ博ク時  
局ニ關スル吟詠ヲ募リ爰ニ明治萬歲集ヲ編纂シ以テ賀頌ノ微衷ヲ表シ併セテ  
紀念トナスト云爾

列孝子旌表式

今茲明治四十三年一月四日。縣廳政治始有善行表彰之舉。京都郡今元村孝行者濱口幸作氏夫婦。與田川郡大任村人命救助者林源八氏。則三人耳。亦昭代之美事。而一鄉之光榮也。京都郡教育支會又開旌表式於豐津高等小學校。賦此祝。

夫婦孝子出豊前 誠實事親四十年 孝子是誰濱口氏 夫唱婦和孝道全 邨曰

今元字沓尾 家業日々乘漁船 夙養父母致美味 漁獲先供海魚鮮 豈啻滋味

飽口腹 又悅其心最勉焉 母氏性來好演劇 相扶觀劇不吝錢 母氏臥病久不

起 宵々談劇慰枕邊 父歲八十有三歿 母九十三宛似仙 省定無怠且勵業

孝乎維孝志愈堅 君不見世間滔滔乏孝子 人情風俗日變遷 濱氏孝德喧一鄉

攪破不孝情夫眠 杉公聞之贈簡牘 書曰真誠達九天 子爵杉聽雨公嘉幸作夫婦孝行贈真誠達九天五十大文字

天祚孝子永賜類 家門繁榮有良緣 兄弟姊妹多子孫 七十六人靄々然 父母之子孫會

孫七十六人皆有孝弟令聞 明府褒賞賜壽盃 教育會又旌表施 嗚呼京都之郡江山鍾秀處

孝子美名萬世傳

行事校觀櫻記

辛亥之春余與行事高等小學校長潮田幾之助君謁青萍末松子爵于稗田村歸途君引余欽于校庭櫻花之下春風嫋々花笑鳥歌主客相對談且酌余欣賞之間不覺拍案呼快哉夫櫻花世人無不愛之者故花之名勝亦不爲不多如東京墨堤如西京嵐山此其爲最然觀客多治郎遊妓雜沓可厭村上佛山翁曾題大石義雄故宅櫻詩中有句曰人間第一花人間第一士斯人種斯花莫擅千古美則知花亦以人爲貴太郎義家詠落花薩州忠度宿花下歌旨入妙備後三郎題櫻樹表勤王之誠意今此櫻明治二十八年日清戰役我櫻花國忠勇武士百戰百捷輝國光干四表當此時本校新築落成郡長葉山荒太郎君所手植也葉山君賢郡長也最盡力教育聘潮田君爲本校校長君亦良師也抑我京都郡山河旣靈人亦不得不傑但要教育發展干村上佛山翁大教育家也以詩鳴干天下樞密顧問官文學博士末松子爵以才學鳴干內外參謀總長陸軍大將與伯爵以武功鳴干五洲皆京都郡之士也如此三傑者芳名干載櫻花亦可避三舍焉故所以本校旣揭三士之肖像學生日々表景慕之意也而潮田君就職本校十有七年干

茲其所薰陶之卒業生已有二千人猶忠實奉職諄々不倦益育英才於此樹下成德達材文質彬彬與櫻花競美鬪妍者亦將爲比肩接踵焉嗚呼此櫻豈可以與尋常櫻花同日而語乎哉余多年承乏本郡學務深知其所由來矣因不顧不文以爲斯記爲記念云爾

秋 滿 有 常 名 刺

國曰豐前縣福岡 新田原野一寒鄉 京都郡仲津村住 秋滿越溪名有常 新田原上汽車通 賓客可來西又東 野棗村醜君請恕 清貧素朴我家風 不詔官員也議員 山人亦有自由權 世間俗子非吾友 偏愛詩仙與酒仙 春暖林花白又紅 夏涼綠樹著清風 秋光不盡年々月 冬雪玲瓏映小權 於世功名無寸分 愧吾徒食酒常醺 老而不死是爲賊 孔聖之言謹可聞(余別號老而不死賊)

我 不 自 由

耳遠し善きことなれば聲たかく、あしきことなら聞えぬもよし。

我 自 由

斗米のために我腰折らず、田と詩を作りて心身を養ふ。

我 所 好

我すきは豆腐味噌汁野菜もの、若い女のそばもまたすき（海産若女と蕎麥を云ふ）

我 所 不 好

我すかぬものは煙草とビール、市廂と魚のあざれたるとなり。

我 所 樂

我樂むものは讀書と詩酒、雪月花と山と水なり（酒一飲三合吉禮大祝宴は此限にあらず）

## 秋滿有常略年譜

- 一、嘉永二年六月六日豊前國築上郡越路村内藤常八次男ニ生ル。
- 一、幼ニシテ水戸ノ儒者小野原善言翁ノ門ニ漢學ヲ修メ次デ其ノ塾長トナル
- 一、明治五年十月小倉縣第八大區宇佐郡麻生村外五箇村創設學校長ニ招聘セラ  
ル。
- 一、明治七年六月第五大區椎田村外八箇村小學校長ニ轉ズ爾後築上小學校及  
元仲津郡元永小學校ニ轉ズ。
- 一、明治十年四月第四大區二小區道場寺村秋滿良平家ニ入夫トナル。
- 一、明治二十年二月京都仲津郡役所ニ採用セラレ村會議員郡會議員ヲ兼任ス
- 一、明治二十六年十二月京都郡書記ニ任ゼラレ學務專掌シ次デ主任郡書記ト  
ナル。
- 一、明治三十七年日露戰役、長男光下關重砲兵聯隊ヨリ第一軍ニ屬シ從軍ス
- 一、明治四十二年六月退官ス。小學校長郡書記在勤中縣知事ヨリ木盃褒狀金

員等受賞アリ。

一、爾後京都郡町村學校組合會議員兼學務委員、京都郡教育會顧問、京都郡青年團獎勵委員等ヲ囑託ス。

一、京都郡町村學校組合事務兼掌中教育基本財産日露戰役記念トシテ學林事業經營ニ當リ之ガ完成ニ盡力ス。國庫ヨリ教育獎勵資金トシテ之ニ對シ金參百圓補助セラレ其他感謝賞狀等多シ。

一、大正三年五月朝鮮地方巡遊ス。

一、大正四年十一月大阪、京都、東京地方巡遊ス。

一、大正六年十二月再度朝鮮地方巡遊ス。

一、大正九年一月三十一日歿ス。享年七十三歲。

自選戒名

植林院樂山酒仙居士





日露戰役記念學林經營  
に對し寄せられし詩歌



青萍 末松謙 澄東 京

篤志當年植學林 知他鄉黨浴恩深 遐齡應有無窮樂 日見英髦出樹陰

甫水 井上圓了 東 京

聞君報國志尤深 戰後經營殖學林 今日功成須一醉 滿山樹色伴間吟

吉嗣 拜山 筑紫郡

夙企山林業 將立財之基 以補國家利 以抵育英資 經營當戰後 急務最得

宜 盡心又竭力 逐年業益滋 永遺好模範 勳華千載垂

星舍 末松房 泰 京都郡

逐年山色綠 植樹大功成 文運報國可期待 輩出年々幾俊英 一郡村落七千

戶 處々琅々夜讀聲

如雲 高橋永種 築上郡

教育經營事百端 多事嘗盡幾辛酸 學林創建無窮礎 功與芳名萬古殘

禽水 田代政榮 京都郡

不思家不顧論評 植樹十年功始成 翠樹聳雲摩日月 千秋高仰越翁名

天村 廣木 嘉德 京都郡

投資三千金 決行不踟躕 南山劇煙雨 移栽十萬株 固非一日計 偏爲千載

圖 杉檜眞良材 取效誰謂迂 遙想宣廟樹 終古鬱々乎 鸞鳳之所宿 萬人

仰祥符 垂蔭鄒魯地 東海靈蹤模 豈非用心深 秋子是碩儒 振武記征露

尙文贊皇謨 春露又秋霜 歲馳如隙駒 當時盈尺者 如今成丈餘 長林成清

風 絃誦聲苑如 育木猶育人 示範挾書徒 晚成棟梁材 培養慎厥初 根幹

要貞固 雨沐仍風梳 但應甘困厄 百年志自舒

末松 房泰 京都郡

栽ゑし木も教ふる子等も諸共に

さかえ行くくらむ千代に八千代に

片山 豊盛 京都郡

いこたかきうしの功と仰ぎ見ぬ

人こそなけれいかし杉山

上田胤比古 築上郡

いさをしはすぎの無羅立たちのびて

さかえむ後の世に知られなむ

田代政榮 京都郡

年ごとに榮ゆく木々のみどりより

功はたかく世を照らすらむ

清享 京都郡

かちどきの聲もこもりてしげりあふ

梢にたかし君がいさをし

瓜生玄洞 嘉穂郡

志げりあふ木々の梢の深みどり

きみがいさをを色にみせつゝ

跋

廣木天村

七二

一、大和心の綾錦

織り出しけりな唐の歌

皇國の人も唐人も

讃へぬものはなかりけり。

二、常有る大人の徳操は

八千代に國の光なり

秋の天なる満月の

それにもまさる尊さよ。

三、罪と汚れを祓川

家は住みけりそのほごり

心耳を洗ふ先覺の

在りし昔を偲ぶかな。

發 刊 に 際 し て

日露戰役は我が帝國の國運を賭しての戰爭であり、曠古の大戦なりき。當時畏くも我が勲聖文武にまします 明治大帝陛下の御稜威の下に、陸海軍將兵は遠く滿洲に出征して眞に忠勇義烈、盡忠報國の赤誠を竭し、銃後國民亦和協一致團結して此の國難を克服し、戰捷の成果を收め以て帝國をして磐石の泰きに置くを得たり。其の結果は帝國の地位をして一躍世界最列強の班に列し、赫々たる威武を宇内に宣揚せり。而して彼の滿洲の曠野を血を以て染めし幾萬の尊き忠靈は東洋平和の守護神と爲りて永久に皇國を護れり。爾來三十餘年の歲月を閲したる今日、滿洲事變を経て新興滿洲帝國は建設せられ王道樂土の實を擧げ、東洋安泰の基礎漸く固からんとす。我が 皇威彌々八紘に輝き、國運隆昌、國力は擴充躍進を遂げ、彼の滿洲帝國とは、政治、國防、經濟、文化等各般に亘り眞に共存共榮、唇齒輔車の協同體と爲り、我が生命線とさへ爲るに至れり。我等は現實のこの我が國生成發展の過程と國力

伸展の偉容とを謳歌すると俱に又其の因つて來れる過去の歴史、我等の先輩が曾つて嘗め來りし國歩艱難の時代を想起せざるべからず。

日露戰役の時局に際會し、銃後施設經營の一端として此の大戦を記念する爲に父の關係せし日露戰役記念學林は郡有財産として其後三十餘年の雪霜を凌ぎ、鬱蒼繁茂し、最近其の一部分は處分せられて郡下町村財政の一助に補填せられりと聞く。其れは「他年用之戰鬪艦材非所願。永期平和育英賢」の趣旨に存せりと雖も、今日戰時に遭遇し「利用厚生」に提供せられしことは又何かの因縁なりと謂ふべきなり。

本詩鈔は洵に粗末なるものなれども、父の吟誦の遺稿を輯録せるものにして日露戰役の時局感吟たる「征露紀念韻集」と「明治萬歲集」とは當時刊行の冊子に掲載せるものなり。唱和集は明治四十一年に井上圓了博士の知遇を得て大正八年、博士が支那漫遊の歸途、大連に於て客死遊ばされるまで、常に辱交の詩友として唱和吟詠せしもの、朝鮮漫遊雜吟集は曾つて半島に遊び



羅南鏡城等北鮮に足跡を印せし時の收穫にして共に緒方清溪先生の添削あり評と共に掲載致したり。雜吟集中に收めし詩篇は必ずしも年代を追はざりしを遺憾とす。福岡日日新聞詩壇(宮崎來城選)に投稿或は白梅吟社(高橋如雲緒方清溪、片山豊盛、曾木聽松、秋滿越溪等によりて組織せられしもの)にて吟詠せるものもあるも資料の蒐集に苦しみたり。今年二十周年に當り父の靈前に本詩鈔を捧げ、聊か其の靈を慰めんとし、且つ日露戰役の時局の一端を回顧し、精神作興の一資料たらしめんとするものなり。

往年の露國は今蘇聯邦として世界赤化の魔手を擴げて暗躍し、挑戰し、東亞の天地亦此の毒手に禍ひさる。日滿支三國は防共の線に沿ひ眞に提携親和、東亞秩序の維持に當るべきなるに拘らず不幸にして昨年七月七日蘆溝橋事件に端を發して、支那事變勃發し、我が帝國は東洋永遠の平和建設の爲、戈を取つて暴支膺懲の軍を進めたり。今や純忠無比なる皇軍は北、中、南支那の山野海空に近代戰の粹を發揮して勇戰奮闘しつゝあり。昨秋堅壘大場鎮

を抜き、續いて敵都南京を陥落し、今春徐州を屠り攻略作戰の戦果は著々と收められ、皇軍の士氣益々振るふ。此時に當り、果然南支バイアス灣に奇襲上陸の新鋭部隊は息つく暇も無く敵據點を次々に衝き、旬日にして南支の要衝廣東を陥れたり。之に呼應して揚子江岸進撃の海陸軍は敵が最後の防衛據點と恃む堅城武漢三鎮を攻略し遂に完全に占領したり。其の神速果敢なる猛進撃は内外人の耳目を等しく震驚せしめたり。茲に戦局は重大なる意義を劃して新段階に入れり。即ち中原の中樞部分は我軍の手中に歸し、北京南京に成立せし親日新生政權は建設の巨歩を大地に下し、蔣政權は西方地區に遁走して今や一地方政權に轉落したりと雖も、尙且つ英蘇佛の援助に縋り飽くなき抗戦を續けんとす。征戰將に一年五箇月、今次事變は戦費の膨大、戦線の廣汎、國際關係の複雑性に於て眞に帝國未曾有の事變なり。今や國家總力戦なり。東亞再建の義戦なり。長期建設戦なり。我等は前線に活躍せる滅私殉國の將兵の勞苦に對し、滿腔の感謝を述べ、幾多護國の英靈に默禱を捧げつゝも、

今次聖戰の眞意義を認識し、天業翼賛の誠を竭し、目的貫徹に勇往邁進せざるべからず。

本書の刊行に當り、陸軍大將杉山元閣下には時局御繁忙の折に拘らず題字の御揮毫を賜はり、宮内省御用掛吉田増藏閣下より題詩の御揮毫を戴き俱に無上の光榮として感激の至りに堪へず、又中村春堂先生には表紙文字の御揮毫を煩はし、廣木天村先生には題詩並に跋詩を寄せられ、故陸軍中將小笠原數夫閣下、陸軍大佐木下榮市殿、畏友企畫院書記官奥村喜和男殿、恩師現京都郡教育會長豊津中學校長中村龜藏先生各位より絶えず御懇篤なる御激勵と格別なる御配慮とを賜はり茲に謹みて深甚なる感謝の意を表し奉る。

尙大阪中山製鋼所社長中山悅治殿には此の擧に對し、御替同を寄せられ、絶大なる御援助を賜はりたるは感謝の至りに堪へず、衷心より謝意を表し奉る。

本書の豫約を發表致すや、

京都郡教育會殿、豐津中學校殿、京都高等女學校殿、加久幸太郎殿、森菊彦殿、西畑鷹市殿、山口馬城次殿、秋滿和夫殿、中村三千藏殿、中村庸太郎殿、權藤莊馬殿、石坂美年殿、田中政刀殿、田中恒夫殿、山内功殿、高橋春雄殿、高橋正直殿、植村俊治殿、野村敏晴殿、庄司寬殿（順序不同）

以上の各位よりは多大の御後援又は御申込を戴き茲に謹みて感謝の意を表する次第なり。

昭和十三年秋

菊花薫る明治節の佳辰に當り皇軍の武運長久を祈りて

秋 滿 慶 三 郎 識

昭和十三年十二月二十日印刷  
昭和十三年十二月二十五日發行

非賣品

東京市杉並區高圓寺三丁目三番地

編輯者兼發行所 秋滿慶三郎

東京市芝區片門前二丁目四番地

印刷者 加來太郎

東京市芝區片門前二丁目四番地

印刷所 岩丸社

東京市芝區片門前二丁目四番地

發行所 岩丸出版部

電話芝四三九七番  
振替東京四四二五番

